



ՄԱՍՆԱԳԻՏԱԿԱՆ ԿՐԹՈՒԹՅԱՆ  
ՈՐԱԿԻ ԱՊԱՀՈՎՄԱՆ ԱԶԳԱՅԻՆ  
ԿԵՆՏՐՈՆ ՀԻՄԱԳԻՐԱՄ

ANQA-2021/49

## ՀԱՎԱՏԱՐՄԱԳՐՄԱՆ ՀԱՆՁԱԺՈՂՈՎ

Ո Ր Ո Շ Ո Ւ Մ

2 հունիսի 2021 թ. N 49

ՇԻՐԱԿԻ ՏԱՐԱԾԱՇԽԱՍԱՅԻՆ ՊԵՏԱԿԱՆ ՔՈԼԵՋԻ ԻՆՍԻՏՈՒՑԻՈՆԱԼ  
ԿԱՐՈՂՈՒԹՅՈՒՆՆԵՐԻ ՀԱՎԱՏԱՐՄԱԳՐՄԱՆ ՄԱՍԻՆ

### Ընդհանուր տեղեկություն հաստատության մասին

Հաստատության լրիվ անվանումը՝ «Շիրակի տարածաշրջանային պետական քոլեջ» ՊՈԱԿ  
Գործունեության հասցեն՝ <<Շիրակի մարզ, ք. Գյումրի Մանուշյան 4 թաղ., 30

Նախորդ հավատարմագրման մասին

որոշումը և ժամկետը՝ **չի ունեցել**

«Մասնագիտական կրթության որակի ապահովման ազգային կենտրոն» հիմնադրամի Հավատարմագրման հանձնաժողովը (այսուհետ՝ «Հանձնաժողով»), ղեկավարվելով <<կառավարության 2011 թվականի հունիսի 30-ի N 978-Ն որոշմամբ հաստատված «<<մասնագիտական կրթական ծրագրեր իրականացնող ուսումնական հաստատությունների և դրանց մասնագիտությունների պետական հավատարմագրման» կարգով, «<<մասնագիտական կրթության հավատարմագրման չափանիշները հաստատելու մասին» 2011 թվականի հունիսի 30-ի N 959-Ն որոշմամբ, «Մասնագիտական կրթության որակի ապահովման ազգային կենտրոն» հիմնադրամի (այսուհետ՝ ՊՈԱԿ) հավատարմագրման հանձնաժողովի ձևավորման և գործունեության ընթացակարգով և «Մասնագիտական կրթության որակի ապահովման ազգային կենտրոն» հիմնադրամի փորձագիտական խմբի ձևավորման կարգով, 2021թ. հունիսի 2-ին ըննարկեց Շիրակի տարածաշրջանային պետական քոլեջի (այսուհետ՝ ՇՏՊՔ, քոլեջ) ինստիտուցիոնալ կարողությունների հավատարմագրման հարցը:

Հավատարմագրման գործընթացի հիմնական փուլերն իրականացվել են հետևյալ ժամկետներում.

դիմում-հայտի ներկայացում	14 հունիսի 2020
ինքնավերլուծության ներկայացում	23 հոկտեմբերի 2020
փորձագիտական այցի իրականացում	1-4 դեկտեմբերի 2020
փորձագիտական զեկույցի ներկայացում	1 փետրվարի 2021
թերությունների վերացման ծրագրի ներկայացում	12 փետրվարի 2021

Քոլեջի ինստիտուցիոնալ կարողությունների փորձաքննությունն իրականացրել է «Մասնագիտական կրթության որակի ապահովման ազգային կենտրոն» հիմնադրամի փորձագիտական խմբի ծևավորման կարգ»-ի պահանջներին համապատասխան ծևավորված անկախ փորձագետների խումբը: Գնահատումը կատարվել է <<կառավարության 2011 թվականի հունիսի 30-ի N 959-Ն որոշմամբ հաստատված ինստիտուցիոնալ հավատարմագրման 10 չափանիշներով:

Ինստիտուցիոնալ հավատարմագրման 10 չափանիշներից 5-ը՝ «Կառավարում և վարչարարություն», «Հետազոտություն և զարգացում», «Արտաքին կապեր և միջազգայանացում» և «Որակի ներքին ապահովման համակարգ», գնահատվել են անբավարար:

Հանձնաժողովը, ուսումնասիրելով Շիրակի տարածաշրջանային պետական քոլեջի կողմից ներկայացված ինստիտուցիոնալ կարողությունների ինքնավերլուծությունը, գեկուցի նախնական տարբերակի վերաբերյալ քոլեջի դիտողությունները և առաջարկությունները, փորձագիտական գեկուցը, գեկուցում նշված թերությունների վերացման գործողությունների ծրագիրը, լսելով քոլեջի փորձագիտական գնահատման վերաբերյալ Հանձնաժողովի նախագահի կողմից ընտրված երեք անդամների եզրակացությունները, որոնք ծևավորվել են փորձագիտական խմբի անդամների և ուսումնական հաստատության ներկայացուցիչների հետ հանդիպումների արդյունքում, ինչպես նաև Հանձնաժողովի անդամների դիտարկումներն ու առաջարկությունները, ամրագրեց հետևյալը.

## 1. Առկա են որոշակի խնդիրներ որակավորումների արժանահավատ շնորհման տեսանկյունից, սակայն առկա են նաև առաջխաղացման միտումներ և օրինակներ

ՄՈՒՀ-ը որոշ չափով ապահովում է որակավորումների արժանահավատ շնորհումը, թեև կան ակնհայտ խնդիրներ: ՇՏՊՔ-ն ուսումնական գործընթացն իրականացնում է պետական կրթական չափորոշիչներին /ՊԿԶ/ համապատասխան և, քանի որ իր համար չի մշակել ՄԿԾ-ներ (բացառությամբ «Զբոսաշրջություն» և «Գովազդ» մասնագիտությունների), քոլեջի մասնագիտությունները բովանդակային առումով համահունչ են հանրապետության մյուս քոլեջների մասնագիտություններին: Մինչդեռ ՄԿԾ-ների մշակումը կնպաստեր շրջանավարտի հավաքական նկարագրի ծևավորմանը և վերջնարդյունքահեն ուսուցման իրականացմանը: Վերջնարդյունքների հստակեցման անհրաժեշտություն կա: Արտերկրի նմանատիպ ծրագրերի հետ համեմատություն (բենչմարքինգ) չի իրականացվել:

Քոլեջում դասախոնները կիրառում են դասավանդման բազմաթիվ ինտերակտիվ մեթոդներ, որոնք հարստացվել են առցանց ուսուցման ընթացքում: Դրանց մի մասը բավական արդիական է և նպաստում է ուսանողակենտրոն միջավայրի ստեղծմանը:

Սակայն ՄԿԾ-ների և ուսուցման մեթոդների ընտրության արդյունավետության գնահատման համար հստակ մեխանիզմներ ՄՈՒՀ-ում ներդրված չեն:

Այնուամենայնիվ դրական է, որ ամփոփիչ ատեստավորման ընթացքում ուսանողները կարող են հանձնել քննություն կամ դիպլոմային աշխատանք ներկայացնել, հաճախ դրանք դեկավարում են գործատուները:

ՇՏՊՔ-ի պրոֆեսորադասախոսական կազմը համալրված է պրֆեսիոնալ, պրակտիկ փորձառություն ունեցող կադրերով: Քոլեջում դասավանդում են նաև գործատուներ և համապատասխան

մասնագիտական ոլորտում պրակտիկ աշխատանքային փորձ ունեցողներ, շատ են երիտասարդ դասախոսները:

Թեև մշակվել է դասավանդողների մասնագիտական որակներին և նրանց աշխատանքի գնահատման ընթացակարգ, սակայն այն դեռ չի գործում:

Առկա է մասնագիտությունների իրականացման համար բավարար ուսումնական միջավայր, չնայած այն հանգամանքին, որ ՇՏՊՔ ռեսուրսների նորացումը տեղի չի ունենում կայուն պարբերականությամբ: Միժամանակ պետք է նշել, որ բյուջեից քոլեցին հատկացվող գումարների նվազեցման պայմաններում, քոլեցը մասնագիտությունների իրականացման համար անհրաժեշտ նյութատեխնիկան բազայի պակասը լրացնում է դրամաշնորհիային ծրագրերով: Գործատուները, հատկապես Դուալ կրթության, պատրաստակամություն են դրսնորում իրենց ռեսուրսների համատեղ օգտագործման համար:

Քոլեցի կառավարման մարմինները ջանքեր են գործադրում ռեսուրսային բազան, դասավանդման և ուսումնառության համակարգերը բարելավելու համար:

## **2. Կառավարում ու որակի ապահովման համակարգերը ձևավորման փուլում են, սակայն առկա են զարգացման միջումներ և կառավարումը միրված է որակի բարելավմանը, որակավորումների արժանահավաք շնորհմանը:**

Տարբեր փաստաթղթերում առաքելությունը տարբեր կերպ է շարադրված և առկա չէ որևէ փաստաթուղթ, որը կիմնավորի փոփոխության անհրաժեշտությունը:

Նախորդ ՌԾ-ներում չեն եղել նպատակների իրականացումը և դրանց արդյունավետությունը գնահատող ցուցիչներ, քոլեցը երբևէ չի արել ՌԾ կատարողականի գնահատում, ինչը ոիսակային է դարձրել քոլեցի որդեգրած առաքելության և նպատակների իրականացումը, սակայն 2021-2023 թթ. ՌԾ-ում քոլեցը սահմանել է վերջնարդյունքներ և դրանց ստուգման ցուցիչներ, մշակել է գործողությունների պլան, որը կարող է նպաստել ռազմավարական արդյունավետ կառավարմանը և նպատակների իրականացման պարբերաբար գնահատմանը:

Կարճաժամկետ և միջնաժամկետ ծրագրերը հիմնականում փոխկապակցված չեն քոլեցի ՌԾ-ին: Կատարողականին ուղղված ներքին մշտադիտարկման և գնահատման համակարգի բացակայությունը հնարավորություն չի ընձեռում գնահատել երկարաժամկետ և միջնաժամկետ պլանների իրականացման արդյունավետությունը: Այդ նպատակին չի ծառայում նաև հաշվետվողականության մեխանիզմը:

Քոլեցի կառավարման բացթողումների մեծ մասը պայմանավորված է նրանով, որ քոլեցում որակի ապահովման համակարգը դեռևս ձևավորման փուլում է և կառավարման մեխանիզմների արդյունավետության գնահատման համակարգ առկա չէ: Զկան հստակ ընթացակարգեր, անհրաժեշտ մեխանիզմներ և գործիքներ, որոնք հնարավորություն կտան գործառնել ՌՍ ներդրվող համակարգին և ձևավորել որակի մշակույթը:

Քոլեցի ներքին և արտաքին շահակիցներն իրազեկված չեն որակի ապահովման գործընթացների մասին: Դեռ ներդրված չէ տվյալների հավաքագրման, արդյունքների վերլուծման, տարածման համակարգված մոտեցումը: ՊիգԲ շրջափուլը դեռևս լիարժեք չի գործում:

ՇՏՊՔ-ն ջանքեր է գործադրում կառավարման համակարգի բարելավման ուղղությամբ. բոլոր կառավարման մարմիններն ունեն իրենց կանոնակարգերը, մշակվել է որակի ապահովման քաղաքականությունը: Քոլեցն ակտիվացրել է գործատուների հետ իր համագործակցությունը:

### **3.. Միջազգայնացումն ու հետազոտական/սպեղծագործական գործունեությունը բավարար չեն աջակցում որակավորորումների արժանահավաք շնորհմանը.**

2016-2021թթ. ուղղմավարական ծրագրում քոլեջի սահմանած նպատակները և խնդիրները շատ հավակնութ էին և անհասանելի: 2021-2023թթ. զարգացման ուղղմավարական ծրագրով քոլեջն իշեցրել է հետազոտության նշանակությունը և շեշտադրումն ուղղել է ուսանողների հետազոտական կարողությունների զարգացմանը: Քոլեջում ուսումնական գործընթացի և հետազոտական գործունեության փոխկապակցման տարրերը թույլ են, որանք երևում են նաև որոշ դիպլոմային, կուրսային աշխատանքներում, երբեմն առանձին առարկաների հանձնարարականներում: Քոլեջում միջազգայնացմանը և արտաքին կապերին նպաստող հստակ մեխանիզմներ, ընթացակարգեր և քաղաքականություն, ինչպես նաև միջազգայնացման հարցերով պատասխանատու կառույց չկա: Իրականացված ծրագրերը գործում են շնորհիվ անձնական կապերի, ուստի ուսկային են, քանի որ հետազայում կարող են անձով պայմանավորված ընդհատվել և խոչընդոտել կայունությանը:

ՀՏՊԲ-ն ունի ՏԻՄ-երի, տարածաշրջանի դպրոցների, ԶԼՄ-ների հետ կապեր, սակայն որպես տարածաշրջանային քոլեջ և գերազանցության կենտրոն չի համագործակցում մարզի այլ քոլեջների հետ:

4. Փորձագիտական գեկույցում նշված թերություններն առանցքային են որակավորորումների արժանահավատ շնորհման տեսանկյունից, միաժամանակ իմմքեր ստեղծված են բարելավումների համար:

5. Փորձագիտական գեկույցում նշված թերությունների վերացման քոլեջի կողմից ներկայացված ծրագրում փորձագետների կողմից տրված խորհրդատվությունները կամ ճիշտ չեն ընկալվել կամ ինչ-ինչ պատճառներով ենթարկվել են բովանդակային փոփոխության: Արդյունքում Ծրագրով սահմանված ակնկալվող արդյունքների մեծ մասը չի համապատասխանում փորձագիտական խմբի կողմից սպասվող բարելավումներին: Միջանկյալ արդյունքները ձևակերպված են գործողությունների տեսքով և ոչ բոլորը կարող են նպաստել ակնկալվող արդյունքի ձեռքբերմանը: Սահմանված են գործողությունների իրականացման համար պատասխանատուներ: Արդյունքների ձեռքբերման համար ուսուուրներ ոչ մի չափանիշում նախատեսված չեն: Բարելավման պլանի վերանայման կարիք կա:

Ելնելով վերը նշվածից, Հավատարմագրման Հանձնաժողովը բաց քվեարկության արդյունքում

## **ՈՐՈՇԵՑ**

1. «Շիրակի տարածաշրջանային պետական քոլեջ» ՊՈԱԿ-ին շնորհել պայմանական ինստիտուցիոնալ հավատարմագրում 2 /երկու/ տարի ժամկետով:
- 2.Հավատարմագրում շնորհելու որոշման իրապարակումից հետո՝ երկամսյա ժամկետում ՈԱԱԿ-ին ներկայացնել փորձագիտական գեկույցում նշված թերությունների վերացման վերանայված ծրագիր և համապատասխան ժամանակացույց՝ հաշվի առնելով.
  - «Կառավարում և վարչարարություն», «Հետազոտություն և զարգացում», «Արտաքին կապեր և միջազգայնացում» և «Որակի ներքին ապահովման համակարգ» ոլորտներում առկա խնդիրներին առաջնահերթ լուծում տալու անհրաժեշտությունը,
  - ՈԾ նպատակների և խնդիրների առաջընթացի գնահատման քանակական և որակական ցուցիչների բարելավման և լրամշակման անհրաժեշտությունը,
  - կարճաժամկետ և միջնաժամկետ պլանավորման և վերլուծական հաշվետվողականության իրականացնումը ՈԾ-ին համապատասխան:

**3. Հատուկ ուշադրություն դարձնել.**

- դասախոսական կազմի մասնագիտական առաջընթացի և աջակցության հստակ մեխանիզմների կիրառմանը,
- տվյալների հավաքագրման, արդյունքների վերլուծման և դրանց կիրառմանը որոշումների կայացման գործընթացում,
- քոլեջի բոլոր գործընթացներում ՊԻԳԲ շրջափուլի կիրառմանը,
- արտաքին կապերի զարգացմանը և գործատուների հետ համատեղ ուղղման մշակմանն ու իրագործմանը,
- որակի ներքին ապահովման համակարգի կայուն զարգացման մեխանիզմների ստեղծմանն ու իրականացմանը,
- ՄԿԾ-ների համապատասխանեցմանը տարածարչանի և աշխատաշուկայի կարիքներին,
- ուսանողների մոտ վերլուծական, ստեղծագործական և քննադատական կարողությունների զարգացմանը միտված ուսուցման կազմակերպմանը:

4. «ՀՀ մասնագիտական կրթական ծրագրեր իրականացնող ուսումնական հաստատությունների և դրանց մասնագիտությունների պետական հավատարմագրման կարգ»-ի 12-րդ կետի պահանջներին համապատասխան 6 ամիսը մեկ անգամ ՈԱԱԿ-ին գրավոր գեկուց ներկայացնել իրականացված գործողությունների արդյունքների վերաբերյալ՝ գնահատելով ակադեմիայի գործունեության բարելավումը, նորարարություններն ու ձեռքբերումները:

5. Հանձնարարել ՈԱԱԿ-ին պարտադիր մշտադիտարկման ենթարկել Շիրակի տարածաշրջանային պետական քոլեջի գործունեության արդյունավետությունն՝ ըստ առաջընթացի առանցքային ցուցիչների:

**Հավատարմագրման Հանձնաժողովի**

**նախագահ**

2021 թ. հունիսի 2

թ.Երևան



**Ա. Սահյան**